


增壹阿含經

第四十六

二百六
松六

49457



增壹阿含經卷第四十六

符秦建元年三歲曇摩難提譯

松

牧牛品第四十九之餘

聞如是一時佛在舍衛國祇樹給孤獨園
時世尊告諸比丘我恒一坐而食身體輕便
氣力強盛汝等比丘亦當一食身體輕便氣
力強盛得修行梵行
爾時跋提婆羅白世尊
言我不堪任而一食所以然者氣力弱劣佛
告之曰若汝至檀越家一分食之一分持還
家跋提婆羅白佛言我亦不堪行此法世尊
告曰聽汝壞齋通日而食跋提婆羅白佛言
我亦不堪任施行此法
爾時世尊默然不報



尔時迦留陀夷向暮日入著衣持鉢入城乞食尔時極爲闇冥時優陀夷漸漸至長者家又彼長者婦懷妊聞沙門在外乞食即自持飯出惠施之然優陀夷顏色極黑又彼時天欲降雨處處洩電尔時長者婦出門見沙門顏色極黑即時驚怖乃呼是鬼自便稱喚咄我見鬼即時傷胎兒尋命終是時迦留陀夷尋還精舍愁憂不歡坐自思惟悔無所及尔時舍衛城中有如此之惡聲沙門釋種子呪墮他子其中男女各相謂言今諸沙門行無節度食不知時如在家白衣有何等異尔時衆多比丘聞諸人民各論此理沙門釋種子

不知節度行來無忌其中持戒比丘戒完具者亦自然責實非我等之宜食無禁限行無時節實是我等之非也各共相將至佛所頭面禮足以此因緣具白世尊今時佛告一比丘汝往喚迦留陀夷使來是時彼比丘受佛教已即往喚優陀夷時優陀夷聞佛見呼即

來至世尊所頭面禮足在一面坐今時世尊問優陀夷曰汝審昨日暮入城乞食至長者家使長者婦胎墮乎優陀夷白佛言唯然世尊佛告優陀夷汝何故不別時節又復欲雨而入城乞食此非汝宜然是族姓子出家學道而貪著於食今時優陀夷即從座起白世

尊言自今之後不敢復犯唯願世尊聽受懺
悔尔時世尊告阿難曰速打捷椎集諸比丘
在普會講堂阿難受佛教已即集諸比丘集
在講堂前白佛言諸比丘以集世尊宜知是
時尔時世尊即往講堂在中央坐告諸比丘
過去久遠諸佛世尊皆一坐而食諸聲聞等
亦一坐而食正使將來諸佛及弟子衆亦當
一坐而食所以然者此是行道之要法應當
一坐而食若能一坐而食身體輕便心得開
解心已得解得諸善根已得善根便得三昧
已得三昧如實而知之云何如實而知之所
謂苦諦如實而知之苦習諦如實而知之苦

盡諦如實而知之苦出要諦如實而知之汝
等族姓子以出家學道捨世八業而不知時
節如彼貪欲之人有何差別梵志別有梵志
之法外道別有外道之法是時優波離白世
尊言過去如來將來諸佛皆一坐而食唯願
世尊當與諸比丘限時而食世尊告曰如來
亦有此智但未犯者要眼前有罪乃當制限
耳尔時世尊告諸比丘我專一坐而食汝等
亦當一坐而食今汝日中而食不得過時汝
等亦當學乞食之法云何比丘學乞食之法
於是比丘趣以支命得亦不喜不得亦不憂
設得食時思惟而食無有貪著之心從欲使

此身趣得存形除去舊病更不造新使氣力
充足如是比丘名爲乞食汝等比丘應當一坐
而食云何比丘一坐而食起則犯食更不應
食如是比丘名爲一坐而食汝等比丘亦當
得食而食之云何比丘得而食之於是比丘
以得食已更復有爲齊此乎以食更得者不
應復食如是比丘得食而食之汝等比丘亦
當著三衣應坐樹下坐閑靜處應露坐苦行
應著補衲衣應在冢間應著弊惡之衣所以
然者歎說少欲之人我今教汝等當知迦葉
比丘所以然者迦葉比丘自行頭陀十二法
亦復教人行此要法我今教誡汝等當如面

王比丘所以然者面王比丘著弊壞之衣不
著校飾是謂比丘我之教誡當念修習如是
比丘當作是學尔時跋提婆羅及經三月不
至世尊所尔時阿難臨三月初至跋提婆羅
比丘所而告之曰今諸衆僧皆補衲衣裳如
是如來當人間遊行今不往者後悔無益是
時阿難將跋提婆羅至世尊所頭面礼足並
復白佛言唯然世尊聽我懺悔自今以後更
不犯之如來制禁戒然我不受之唯願垂恕
如是再三是時佛告曰聽汝悔過後莫復犯
所以然者我自念生死無數或作驢騾駱駝
象馬猪羊以草養此四大形或在地獄中以

熱鐵丸噉之或作餓鬼恒食膿血或作人形
食此五穀或作天形食自然甘露無數劫中
形命共競初無厭足優波離當知如火獲薪
初無厭足如大海水吞流無足今凡夫之人
亦復如是貪食無厭足尔時出尊便說此偈
生死不斷絕 皆由貪欲故 怨憎長其惡

愚者之所習

是故跋提婆羅當念少欲知足無起貪想興
諸亂念如是優波離當作是學尔時跋提婆
羅聞如來教誡已在閑靜之處而自剋責所
以族姓子出家學道者欲修無上梵行生死
已盡梵行已立所作已辦更不復受有如實

而知尔時跋提婆羅即成阿羅漢尔時世尊
告諸比丘我弟子中第一聲聞多飲食者所
謂吉護比丘是也尔時諸比丘聞佛所說歡
喜奉行

聞如是一時佛在鶯藝村中與大比丘眾五
百人俱尔時世尊告諸比丘諸人民皆稱汝
等爲沙門設復問汝等是沙門乎汝等亦言
是沙門吾今告汝沙門之行婆羅門之行汝
等當念尔習後必成果如實不異所以然者
有二種沙門有習行沙門誓願沙門彼去何
名爲習行沙門於是比丘行來進止視瞻容
貌著衣持鉢皆悉如法不著貪欲瞋恚愚癡

但持戒精進不犯非法等學諸戒是謂名為
習行沙門彼云何名誓願沙門彼於是或有比
丘威儀戒律出入進止行步容貌視瞻舉動
皆悉如法盡有漏成無漏於現法中身得證
而自遊化生死已盡梵行已立所作已辦更
不復受有如實知之是謂名誓願沙門是謂
比丘二種沙門

今時阿難白世尊言彼云何名為沙門法行
婆羅門法行佛告阿難於是比丘食知足晝
夜經行不失時節行諸道品云何比丘諸根
寂靜於是比丘若眼見色不起想著興諸乱
念於中眼根而得清淨除諸惡念不念不善

之法若耳聞聲鼻嗅香舌知味身知細滑意
知法不起想著興諸亂念於意根而得清淨
如是比丘根得清淨云何比丘飲食知足於
是比丘量腹而食不求肥白但欲使此身趣
存而已除去故痛新者不生得修梵行猶如
男女身生瘡癩隨時以膏塗瘡常欲使瘡愈
故今此比丘亦復如是量腹而食如以膏膏
車者欲致遠故比丘量腹而食者欲趣存命
故也如是比丘飲食知足云何比丘恒知景
寤於是比丘初夜後夜恒知景寤思惟三十
七道之法若晝日經行除去惡念諸結之想
復於初夜後夜經行除去惡結不善之想復

於中夜右脇著地以脚相累惟向明之想復
於後夜出入經行除去不善之念如是比丘
知時景寤如是阿難此是沙門要行彼云何
名婆羅門要行於是比丘苦諦如實知之苦
習苦盡苦出要如實而知之後以解此欲漏
心有漏心無明漏心而得解脫已得解脫便
得解脫智生死已盡梵行已立所作已辦更
不復受胎如實知之此名為婆羅門要行之
法阿難當知此名為要行之義也今時世尊
便說此偈

沙門名息心
除去諸亂想

諸惡永以盡

梵志名清淨

是故阿難沙門法行婆羅門法行當念修行
其有衆生行此諸法然後乃稱爲沙門復以
何故名爲沙門諸結永息故名爲沙門復以
何故名爲婆羅門盡除愚惑之法名爲梵志
亦名爲刹利復以何故名刹利以其斷婬怒
癡故名爲刹利亦名爲沐浴以何故名爲沐
浴以其洗二十一結故名爲沐浴亦名爲覺
以何故名爲覺以其覺了愚法慧法故名爲
覺亦名爲彼岸以何等故名爲彼岸以其從
此岸至彼岸故名爲彼岸阿難能行此法者
然後乃名爲沙門婆羅門此是其義當念奉
行亦時阿難聞佛所說歡喜奉行

聞如是一時佛在釋翅迦毗羅越尼拘留園
中與大比丘衆五百人俱。爾時提婆達兜王
子往至世尊所。頭面禮足。在一面坐。是時提
婆達兜白佛言。唯然世尊。聽我道次。得作沙
門。佛告提婆達兜。汝宜在家。分檀惠施。夫爲
沙門。實爲不易。是時提婆達兜復再三白佛
言。唯然世尊。聽在末行。佛復告曰。汝宜在家。
不宜出家。修沙門行。爾時提婆達兜便生此
念。此沙門懷嫉妬心。我今宜自剃頭。善修行
行。何用是沙門爲。是時提婆達兜即自退歸。
自剃鬚髮。著袈裟。自稱言。我是釋種子。
爾時有一比丘名修羅。隨頭隨行。乞食著補。

衲衣五通清徹是時提婆達兜往至彼比丘
所頭面禮足前言唯願尊者當與我說教使
長夜而獲安隱是時修羅陁比丘即與說威
儀禮節思惟此法捨此就是時提婆達兜如
彼比丘教而不漏失是時提婆達兜比丘言
唯願尊者當與我說神足道我能堪任修行
此道今時比丘復與說神足之道汝今當學
心輕以知心意輕重復當分別四大地水火
風之輕重以得知四大輕重便當修行自在
三昧復當修勇猛三昧以行勇猛三昧復當
修行心意三昧以行心意三昧復當行自戒
三昧已修行自戒三昧如是不久便當成神

足道

尔時提婆達兜受師教已自知心意輕重復知四大輕重盡修諸三昧無所漏失尔時不以便成神足之道如是無數方便作變無量尔時提婆達兜名聲流布四遠是時提婆達兜以神足力乃至三十天採取種種優鉢蓮華拘牟頭華奉上阿闍世太子又告之曰此華是三十天所出釋提桓因遣來奉上太子

尔時王太子見提婆達兜神足如是便隨時供養給其所須太子復作是念提婆達兜神足極爲難及時提婆達兜復自隱形作小兒

身在王太子膝上時諸嫫女各作斯念此是
何人爲是鬼耶爲是天耶語言未竟便復化
身還復如故是時王太子及諸宮人皆稱言
此是提婆達兜即給與所須又傳此言提婆
達兜名德不可具記尔時衆多比丘聞已往
至世尊所頭面礼足白佛言提婆達兜者極
大神足能得衣裳飲食牀卧具病瘦醫藥
佛告比丘汝等勿興此意著提婆達兜利養
又莫欽羨彼神足之力彼人即當以此神足
墮墜三惡道提婆達兜所獲利養及其神足
當復耗盡所以然者提婆達兜自當造身口
意行

尔時復興此念沙門瞿曇有神足我亦有神
足沙門瞿曇有所知我亦有所知沙門瞿曇
姓貴我亦姓貴若沙門瞿曇現一神足我當
現二沙門現三我當現六彼八我十六彼十
六我三十二隨其沙門所現變化我當轉倍
尔時衆多比丘聞提婆達兜有此語五百餘
比丘至提婆達兜所及五百比丘受太子供
養時舍利弗目犍連自相謂言我等共到提
婆達兜所聽彼說法為何論說即共相將至
提婆達兜所尔時提婆達兜遙見舍利弗目
犍連來即告諸比丘此二人是悉達弟子甚
懷歡悅到已共相問訊在一面坐尔時諸比

丘各興此念釋迦文佛弟子今盡來向提婆
達兜爾時提婆達兜語舍利弗言汝今堪任
與諸比丘說法乎吾欲小息又患脊痛是時
提婆達兜以脚相累右面卧以其歡喜心故
便睡眠爾時舍利弗目捷連見提婆達兜眠
即以神足接諸比丘飛在空中而去是時提
婆達兜覺寤不見諸比丘極懷瞋恚并吐斯
言吾若不報怨者終不名為提婆達兜也此
是提婆達兜最初犯五逆惡提婆達兜適生
此念即時失神足爾時衆多比丘白世尊言
提婆達兜比丘極有神足乃能壞聖衆爾時
世尊告諸比丘提婆達兜不但今壞聖衆乃

過去世時恒壞聖衆所以然者乃往過去時亦壞聖衆復興惡念我要取沙門瞿曇殺之於三界作佛獨尊無侶是時提婆達兜語阿闍世王古昔諸人壽命極長如今遂短使王太子一旦命終者則唐生於世間何不取父王害之紹聖王位我當取如來害之當得佛新王新佛不亦快哉尔時阿闍世王即便差守門人取父王閉在牢獄自立為王治化人民時諸群庶各相謂言此子未生則是怨家之子因以為名阿闍世王尔時提婆達兜見阿闍世王檢父王已復興此念吾要當取沙門瞿曇害之尔時世尊在耆闍崛山一小山

側尔時提婆達兜到耆闍崛山手擎大石長三十肘廣十五肘而擲世尊是時山神金毗羅鬼恒住彼山見提婆達兜抱石打佛即時伸手接著餘處尔時石碎一小片石著如來足即時出血尔時世尊見已語提婆達兜曰汝今復興意欲害如來此是第二五逆之罪尔時提婆達兜復自思惟我今竟不得害此沙門瞿曇當更求方便捨而去至阿闍世王所啓白王曰可飲黑象使醉使害沙門所以然者此象凶暴必能害此沙門瞿曇若當沙門有一切智者明日必不來入城乞食若無一切智者明日入城乞食必當為此惡象所

害也。尔時阿闍世王即以醇酒飲象，使醉告令國中人民曰：「其欲自安，惜已命者，明日勿復城中行來。」尔時世尊到時，著衣持鉢入羅閱城乞食。國中男女大小四部之衆聞阿闍世王以酒飲象，欲害如來，皆共相將至世尊所，頭面禮足。白佛言：「唯願世尊莫入羅閱城乞食，何以故？」王阿闍世飲象，使醉欲害如來。佛告諸優婆塞夫等：「正覺終不爲他人所害也。」尔時世尊雖聞斯言，猶故入城。尔時惡象遙見世尊來，瞋恚熾盛，奔趣如來，欲得害之。然佛見象來，即說斯偈：

象莫害於龍，龍象出現難，不以害龍故。

得生於善處

尔時彼象聞如來說此偈已即前長跪舐如
來足尔時彼象即以悔過心不自寧即便命
終生三十三天尔時王阿闍世及提婆達兜
見象以死慘然不悅提婆達兜語王曰沙門
瞿曇以取象殺王報之曰此沙門瞿曇有大
神力多諸伎術乃能呪此龍象殺之時王阿
闍世復作是說此沙門必威德具足竟不為
惡象所害提婆達兜報言沙門瞿曇有幻惑
之呪能使外道異學皆悉靡伏何況畜生之
類王意欲變悔尔時提婆達兜愁憂不樂出
羅闍城尔時法施比丘左遙見提婆達兜來

語提婆達兜曰汝今所造極爲過差今悔猶
易恐後將難時提婆達兜聞此語已倍復瞋
恚尋報之曰秃婢有何過差今易後難耶法
施比丘尼報曰汝今與惡共并造衆不善之本
尔時提婆達兜熾火洞然即以手打比丘尼
殺尔時提婆達兜以害真人往至己房告語
弟子汝等當知我今以興意向沙門瞿曇然
其義理不應以羅漢復興惡還向羅漢吾今
宜可向彼懺悔是時提婆達兜以此愁憂不
樂尋得重病提婆達兜告語弟子我無此力
得往見沙門瞿曇汝等當扶我至沙門所尔
時提婆達兜以毒塗十指爪甲語諸弟子汝

等昇我到彼沙門所。爾時諸弟子即昇將至
世尊所。爾時阿難遙見提婆達兜遠來。即白
世尊言：提婆達兜今來，必有悔心，欲向如來
求改悔。過佛告阿難：提婆達兜終不得至。世
尊所。爾時阿難再三復白佛言：今此提婆達
兜以欲求至，求其悔過。佛告阿難：此惡人終
不得至。如來所。此人今日命根以熟。爾時提
婆達兜未至。世尊所語諸弟子：我今不宜卧
見。如來宜當下牀。乃見耳。提婆達兜適下足
在地。爾時地中有大火風起，生遶提婆達兜
身。爾時提婆達兜爲火所燒，便發悔心。於如
來所正欲稱南無佛，然不究竟，適得稱南無

便入地獄。爾時阿難以見提婆達兜，入地獄中。白世尊言：「提婆達兜，今日以取命終，入地獄中。」耶佛告之曰：「提婆達兜，不為滅盡，至究竟處。今此提婆達兜，興起惡心，向如來身，身壞命終，入阿鼻地獄中。爾時阿難悲泣涕淚，不能自勝。佛告阿難：『汝何為悲泣？』乃爾阿難白佛言：『我今欲愛心未盡，未能斷欲，故悲泣耳。』爾時佛世尊便說斯偈：

如人自造行，還自觀察本。善者受善報，

惡者受惡殃。世人為惡行，死受地獄苦。

設復為善行，轉身受天祿。彼自招惡行，

自致入地獄。此非佛怨苦，汝今何為悲。

尔時阿難白世尊言提婆達兜以取命終爲
生何處佛告阿難今此提婆達兜身壞命終
入阿鼻地獄中所以然者由其造五逆惡故
致斯報尔時阿難復重白佛如是世尊如聖
尊教也已身為惡現身入地獄所以我今悲
泣涕淚者由其提婆達兜不惜名号姓族故
亦復不爲父母尊長辱諸釋種毀我等門戶
然提婆達兜現身入地獄誠非其宜所以然
者我等門族出轉輪聖王位然提婆達兜身
出於王種不應現身入地獄中提婆達兜應
當現身盡有漏成無漏心解脫慧解脫於此
現身得受證果生死已盡梵行已立所作已

辦更不復受胎如實知之習真人跡得阿羅漢於無餘涅槃果而般涅槃何曷持此現身入地獄中提婆達兜在時有大威神極有神德乃能往至三十三天變化自由豈意斯人復入地獄乎不審世尊提婆達兜在地獄中爲經歷幾許年歲佛告阿難此人在地獄中經歷一劫是時阿難復重白佛言然劫有兩種有大劫小劫此人爲應何劫佛告阿難斯人當經歷大劫所謂大劫者即賢劫是盡劫數行盡命終還復人身阿難白佛提婆達兜盡喪人根遂復成就所以然者劫數長遠夫大劫者不過賢劫尔時阿難倍復悲泣哽咽

不樂復重白佛提婆達兜從阿鼻地獄出當
生何處佛告阿難提婆達兜於彼命終當生
四天王上阿難復問於彼命終當生何處佛
告阿難於彼命終展轉當生三十三天焰天
兜率天化自在天他化自在天阿難復問於
彼命終當生何處佛告阿難於是提婆達兜
從地獄終生善處天上經歷六十劫中不墮
三惡趣往來天人最後受身當剃除鬚髮著
三法衣以信堅固出家學道成辟支佛名曰
南無今時阿難前白佛言如是世尊提婆達
兜由其惡報致地獄罪為造何德六十劫經
歷生死不受苦惱後復成辟支佛号名曰南

無佛告阿難彈指之頃善意其福難喻何況
提婆達兜博古明今多所誦習揔持諸法所
聞不忘計彼提婆達兜昔所怨讎起殺害心
向於如來復由曩昔緣報故有喜悅心向於
如來由此因緣報故六十劫中不墜墮三惡
趣復由提婆達兜最後命終之時起和悅心
稱南無故後作辟支佛号名曰南無今時阿
難即前礼佛重自陳說唯然世尊如神所教是
時大目捷連前白佛言我今欲至阿鼻地獄
中與提婆達兜說要行慰勞慶賀佛告目連
汝宜知之勿復卒暴專心正意無興乱想所
以然者極惡行衆生難彫難成然後乃墮阿

鼻地獄中又彼罪人不解人間音響言語往來尔時目連復白佛言我今所解六十四音言語開通我當以此音響往語彼人

佛告目連汝宜知時是時阿難聞斯語歡喜踊躍不能自勝時大目連前禮佛足遶佛三匝即於佛前猶如力士屈伸臂頃即往至阿鼻地獄所尔時大目連當在阿鼻地獄上虛空中彈指覺曰提婆達兜尔時提婆達兜默然不應時諸獄卒語目連曰汝今爲喚何者提婆達兜獄卒復白此間亦有拘屢孫佛時提婆達兜拘那含牟尼佛時提婆達兜迦葉佛時提婆達兜亦有在家提婆達兜出家提

婆達兜汝今比丘正命何者提婆達兜目連
報曰吾今所命釋迦文佛叔父兒提婆達兜
故欲相見是時獄卒手執鐵叉或執火焰燒
炙彼身使令覺寤尔時提婆達兜身體火焰
熾然高三十肘諸獄卒告曰汝今過人何爲
眠寐尔時提婆達兜衆苦所逼而報之曰汝
等今日何所教勅獄卒復語汝今仰觀空中
尋隨彼語仰觀虛空見大目連結跏趺坐坐
寶蓮華如日披雲提婆達兜見已便說斯偈
是誰現天光 如日披雲出 猶如金出聚
永無塵穢汗
尔時目連復以偈報

我是釋師子

瞿曇之族末

是彼次聲聞

名曰大目連

尔時提婆達兜語目連曰尊者目連何由故
屈此此間衆生造惡無量難可開化不作善
根命終之後來生此間目連報曰我是佛使
故來適此欲相愍念衆苦無本尔時提婆達

兜聞佛音響歡喜踊躍不能自勝并吐此言
唯願尊者以時敷演如來卍尊有何言教更
不記說惡趣之無乎目連報曰提婆達兜勿
懷恐怖地獄極苦無過斯處彼釋迦文佛如
來至真等正覺愍念一切蚰飛蠢動如母愛
子心無差別以時演義終不失叙亦不違類

所演過量今神口所記汝本興起惡念欲害
世尊復將教餘人使趣無由此緣報入阿鼻
地獄中當經歷一劫終無出期盡其劫數行
盡命終當生四天王上展轉當生三十三天
焰天兜術天化自在天他化自在天六十劫
中不趣惡道周流人天之間最後受身還復
人形剃除鬚髮著三法衣以信堅固出家學
道當成辟支佛号名曰南無所以然者由汝
初死臨斷命時稱南無故致斯号今彼如來
觀此善言南無故說名說名号六十劫中作
辟支佛

尔時提婆達兜聞斯語已歡喜踊躍善心生

焉復白目連如來所說言教必然所起愍念
群生所濟無量大慈大悲兼化愚惑設我今
日以右脅卧阿鼻地獄中經歷一劫心意專
正終無勞倦尔時目連復告提婆達兜曰汝
今云何苦痛叵有增損乎提婆達兜報曰我
身苦痛遂增無損今聞如來見授名号痛猶
小折盖不足言目連問曰汝今所患苦痛之
源爲像何類提婆達兜報曰以熱鐵輪轆我
身壞復以鐵杵咬咀我形有黑象蹋踏我身
復有火山來鎮我面昔日袈裟化爲銅葉極
爲熾然來著我體苦痛之源其狀如斯目連
報曰沙頗自知罪過元本受斯苦惱不乎吾

今一一分別卿欲聞耶提婆達兜白言唯然
時說尔時目連便說此偈

汝本最勝所壞亂比丘僧今以熱鐵杵

咬擣汝形體然彼之大眾第一聲聞者

鬪亂比丘僧今以熱輪轉汝本教王放

醇酒飲黑象今以群黑象蹋踏汝形體

汝本以大石遙擲如來足今以火山報

燒汝無遺餘汝本以手拳殺彼比丘尼

今被熱銅葉捲焦不得伸行報終不敗

亦復不住空是故當勸勉離此諸惡元

汝本提婆達兜所造元本正謂斯耳當自專

意向佛如來長夜之中獲福無量尔時提婆

達兜復曰目連今寄目連頭面礼世尊足與
居輕利履步康強亦復礼拜尊者阿難尔時
尊者大目捷連放大神足使阿鼻地獄苦痛
休息尔復說斯偈

皆稱南無佛
除去諸苦惱

釋師最勝者

彼能施安隱

尔時地獄衆生聞目連說此偈已六萬餘人
行盡罪畢即彼命終生四天王上尔時目連
即攝神足還至所在到世尊所頭面礼足在
一面立尔時目連白世尊曰提婆達兜問訊
敬奉無量與居輕利遊步康強亦復問訊阿
難並作是說如來見記六十劫中成辟支佛

号名曰南無設我以右脅卧阿鼻地獄中終
不辭勞介時世尊告曰善哉善哉目連多所
饒益多所潤及愍念群生天人得安使諸如
來聲聞漸至滅盡涅槃之處是故目連常當
勤加成就三法所以然者若當提婆達兜修
行善法身三口四意三者彼人終身不貪

養亦復不造五逆罪入阿鼻地獄中所以
者天人貪利養者亦有恭敬之心向於三寶
亦復不奉持禁戒不具足身口意行當貪專
意身口意行如是目連當作是學介時目連
聞佛所說歡喜奉行
聞如是一時佛在舍衛國祇樹給孤獨園介

時世尊告諸比丘若有衆生修行慈心解脫
廣布其義與人演說當獲此十一果報云何
爲十一卧安覺安不見惡夢天護人愛不毒
不兵水火盜賊終不侵枉若身壞命終生梵
天上是謂比丘能行慈心獲此十一之福尔
時世尊便說斯偈

若有行慈心

亦無放逸行

諸結漸漸薄

轉見於道跡

以能行此慈

當生梵天上

速疾得滅度

永至無爲處

不殺無害心

亦無勝負意

行慈普一切

終無怨恨心

是故比丘當求方便行於慈心廣布其義如
是比丘當作是學尔時諸比丘聞佛所說歡

喜奉行

增壹阿含經卷第四十六

松

咄反余世捷雅上音勸勉下音景寤上正

故反吾脊跡音覺寤上音肘反知舐時只慘反七感

過差佳下楚反抓反之舉鼻下音醇酒純上音涕淚

體上音噍噓下上古一猛反怨讎二字音慰勞下耶

屢反力句蝟反烏緣反尺尹反叵反轉音音又到反呔

咀才上音甫反躡蹈下上徒荅反銅鏢下音捲熈

子消反上上聲下侵枉下紆往盜反銅鏢下音捲熈

